



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. I. Duplici conclusione difficultas resolvitur?

[urn:nbn:de:hbz:466:1-77355](#)

necessitatem divinæ motionis, & gratiæ liberum arbitrium applicantis, excluderet. Secundò, quia existimabant voluntatem hominis lapsi esse in perfecto equilibrio, sicut erat in statu innocentia, & æquè pronam in bonum ac in malum; subindeque negabat liberum arbitrium per peccatum Adami fuisse attenuatum & debilitatum, & ratione concupiscentia magis propensum ad bonum delectabile contrarium rationi, quam ad bonum honestum & rationi consonum; ut refert Divus Prosper in Epistola ad Augustinum, ubi Massiliensem errores referens, ait: *Putant ut quia prævaricatoride dicitur non obediſſe, quia noluit, fidelis quoque non dubitetur ob hoc devotus fuisse, quia voluit: & quantum quicunque ad malum, tantum habeat facultatis ad bonum, parique momento animum se ad vitia vel virtutes movere.* Tertiò, illam libertatem reprobavit Augustinus, quia Julianus & alij Pelagiani liberum arbitrium generatiū definiebant per potestatem benè vel male agendi; cùm tamen libertas generaliter sumpta, prout abstrahit à Deo & creaturis, & à Beatis ac viatoribus, id non postulet, sed sufficiat indifferentia ad agendum hoc vel illud bonum, ut infà declarabimus. Non negabat tamen S. Doctor libertatem indifferentiæ, temperatam subiectiōne ad Deum, & indigente ad operandum motione divinâ, & gratiâ applicante; atque ratione concupiscentia ad malum propensam, subindeque per peccatum originale debilitatam. Item non negabat potentiam ad peccandum reperi in viatoribus non confirmatis in gratia, sed tantum negabat eam ingredi essentiam & rationem formalem libertatis. De quo infà.

ARTICVLVS II.

An & que libertas ad humanorum actuum moralitatem, seu ad meritum & demeritum requiratur?

S. I.

Duplici conclusione difficultas resolvitur.

169. **D**ico primò: Ut actus nostri sint boni vel mali moraliter, laudabiles aut vituperabiles, meritorij vel demeritorij, non sufficit spontaneitas seu libertas à coactione, sed requirit libertas indifferentia.

Conclusio est certa de fide, & opposita sententia damnata ut hæretica ab Innocentio X. in nova constitutione, confirmata ab Alexandro VII. & ante illos à D. Thoma qu. 6. de malo art. unico, ubi haec scribit: *Quidam posuerunt quod voluntas hominis ex necessitate movertur ad aliquid eligendum, nec tamen ponebant quod voluntas cogereur; non enim omni necefarij est violentum, sed solum id cuius principium est extra, unde & motus naturales inventiuntur aliqui necefarij, non tamen violenti &c.* Hec autem opinio est hæretica: tollit enim rationem meriti & demeriti in humanis actibus; non enim videtur esse meritorij vel demeritorij, quod aliquis sic ex necessitate agit, quod vitare non possit. Est etiam annumeranda inter extraneas Philosophia opiniones: quia non solum contrariatur fidei, sed subvertit omnia principia

A *Philosophia moralis: si enim non sit liberum aliquid in nobis, sed ex necessitate moveatur ad volendum, tollitur deliberatio, exhortatio, præceptum, & punitio, & laus, & vituperium, circa qua moralis Philosophia consistit.*

Eadem ratione utuntur frequenter SS. Patres, qui passim docent, sublatâ libertate indifferentiæ, frustra esse consilia, exhortationes, præcepta, & actus nostros, nec præmiò, nec pœna, nec laude, nec vituperio dignos esse. Ita Hieronymus lib. 2. contra Jovinian. ubi ait: *Liberi arbitrij nos condidit Deus, nec ad virtutes, nec ad vitia necessitate trahimur; alioquin ubi necessitas est, nec damnatio, nec corona est.* Quod dictum refert Augustinus libro de natura & gratia cap. 65, illudque approbat ut verissimum, certissimum, atque notissimum. Unde, ut suprà vidimus, libro 3. de libero arbit. cap. 1. assert quod nisi motus animi, quod ad bonum vel ad malum flextimur, in nostra esset positus potestate, nec laudandus foret homo, neque culpandus, quando benè vel male agit. Item libro de fide contra Manichæos cap. 10. *Quis, inquit, non clamet stultum, præcepta dare ei, cui liberum non est quod præcipitur facere; & iniunquam dammare eum, cui non fuit potestas iussa complere?* Et in libro de duabus animabus cap. 11. *Nec hi libri obscuri scrutandi mibi erant, ut dicerem neminem vituperatione supplicioe dignum, qui aut id velit quod iustitia velle non prohibet, aut id non faciat quod facere non potest. Nonne ista cantant & in montibus pastores & in theatris Poëta, & indocti in circulis, & docti in bibliothecis, & Magistri in scholis, & Anifties in sacris locis, & in arbiteriarum genis humanum?*

Hinc rationem eleganter prosequitur Eusebius lib. 6. de præparatione cap. 5. his verbis: *Sublatâ liberò arbitriò jacebit omnis Philosophia, jacebit pietas, nulla erit laus virtutis, nullus fructus laboris, nec puniendi erunt improbi, nec admirandi studiosi; inutiles prosus leges, vanæ exhortationes, cassæ objurgationes, nullum meritum, nulla merces, nec virtus erit nec vita; si non libera voluntate, sed necessitate factorum opera nostra fiant.*

Potest etiam suaderi conclusio ratione quam insinuat S. Thomas in 2. dist. 24. quæst. 3. art. 3. ubi dicit quod ibi incipit genus moris, ubi primè dominium voluntatis invenitur: Sed dominium voluntatis est per libertatem indifferentiæ, per quam in ejus potestate est agere vel non agere, aut agere hoc vel illud, ut docet idem S. Doctor i. p. qu. 82. art. 1. ad 3. ubi ait quod sumus *Domini nostrorum actuum, secundum quod possumus hoc vel illud agere, & magis constabit ex dicendis articulo sequenti: Ergo libertas indifferentia est fundamentum moralitatis, & radix ex qua haæ proprietates in actibus humanis, veluti flores & rami progerminant, nempe quod sint laudabiles vel vituperabiles, & capaces meriti vel demeriti.*

Confirmatur: *Idem sunt actus morales & actus humani, ut ait S. Thomas supra qu. 1. art. 3. Sed actus purè spontanei non possunt dici humani: Ergo nec morales appellari. Minor probatur ex eodem S. Doctore ibidem art. 1. ubi sic habet: Illæ ergo actiones propriæ humana dicuntur, qua ex voluntate deliberata procedunt; id est, quæ sunt ex deliberatione rationis & electione voluntatis: Sed actus purè spontanei, & à sola coa-*

ctione, non verò à necessitate immunes, non procedunt ex deliberatione rationis, & electione voluntatis, ut constat in amore beatifico, vel in volitione boni ut sic: Ergo non possunt dici actus morales & humani.

174. Probatur ultimò conclusio egregia ratione quam fūse prosequuntur Salmanticenses hic tract. II. disp. I. dubio I. §. 2. & quæ potest sic breviter proponi. Actus nostri non alia ratione dicuntur morales, nisi quia subjacent regulis morum, & ab illis regulantur; sicut actio aliqua ex eo artificialis dicitur, quod subditur regulis artis: Sed actus purè spontanei, & à sola coactione immunes, non possunt regulis morum subjici, nec ab eis dirigi & regulari: Ergo nec morales dici. Major patet, Minor probatur. Cùm enim regula seu lex adhibeat actionibus, ut eas ab extremis ad medium regulæ deducat, frustra illa adhiberetur actioni, quæ non est variabilis secundum medium & extrema, sed suæ naturæ invariabilis, & ad unum determinata: Actus autem purè spontanei, & à sola coactione immunes, sunt omnino invariabiles, & ad unum ex sua natura determinati, ut patet in amore beatifico, & in volitione beatitudinis in communione: Ergo illi non possunt subjici regulis morum, nec ab eis dirigi & regulari.

175. Confirmatur & magis illustratur hæc ratio: Proprium munus regulæ moralis est imponere modum regulato, determinando ipsum ad unum quod ratio dicat, unde quod moraliter regulatur, supponitur indifferens ut sic vel sic determinetur: Ergo actus qui non sunt indifferentes, sed ad unum totaliter determinati, non possunt cadere sub regula moralis, nec dici moraliter boni aut mali.

Dico secundò: Ut actus sunt moraliter boni aut mali, meritorij vel demeritorij, non requiritur necessariò libertas contrarietas seu specificationis, sed sufficit libertas contradictionis seu exercitii.

176. Probatur primò: Christus, dum erat viator, exercebat actus meritorios & moraliter bonos; & tamen, cùm esset ab intrinseco impeccabilis, non erat in eo libertas contrarietas ad bonum & malum. Item Angeli in primo instanti beatitudinem meruerunt, per actum charitatis, qui fuit necessarius quod specificationem, & libertatem quod exercitium, cùm in illo instanti peccare non potuerint, ut docimus in tractatu Dip. II. de Angelis: Ergo ad eliciendos actus meritorios & moraliter bonos, non requiritur necessariò libertas contrarietas & specificationis, sed sufficit libertas contradictionis seu exercitii. Unde D. Thomas qu. 24. de verit. art. 9. ad 5. dicit:

Posse peccare non facit ad meritum, sed ad meritis manifestationem, in quantum ostendit opus bonum esse voluntarium.

177. Probarat secundò: Illa libertas sufficit ad moralitatem, quæ satis est ut actus cadant sub regulis morum, ita quod hujusmodi regulæ possint ipsum dirigere, & de eo disponere: Sed ad hoc sufficit libertas quod exercitium: Ergo ad merendum vel demerendum, sufficit libertas exercitij. Major patet ex dictis conclusione præcedenti, Minor probatur. Eo ipso quod actus sit liber quod exercitum, potest ratio & lex de illo disponere, ipsumque præcipere vel prohibere: Ergo cadit eo ipso sub regulis morum.

Confirmatur: Actus sic liber non est determinatus à natura ut sit vel non sit, sed ad utrumque

A indifferens: Ergo potest dirigi & determinari per regulas morum.

§. II.

Solvuntur objectiones.

O B I C I E S primò contra primam conclusionem: D. Thomas in 2. dist. 40. qu. 1. art. 1. ait: *Actus sunt in genere moris, ex hoc quod sunt voluntarij*: Sed actus purè spontanei, ut voluntio boni ut sic, & amor beatificus, sunt voluntarij, quia sunt à principio intrinseco, cum cognitione finis: Ergo sunt in genere moris. Unde idem S. Doctor qu. 19. de verit. art. 6. & in 3. sent. dist. 28. quæst. 1. art. 2. ad 2. docet actum charitatis, quo Christus Deum diligebat, fuisse meritorium. Et in resp. ad 5. sic ait: *Etiamsi liberum arbitrium Christi esset determinatum ad unum numerum, sicut ad diligendum Deum (quod non facere non potest) tamen per hoc non amittit libertatem, aut rationem laudis, sive meriti, quia in illo non coacte, sed sponte tendit, & ita est actus sui dominus.*

Respondeo, quod quando S. Thomas ait actus esse in genere moris, ex hoc quod sunt voluntarij, sumit voluntarium pro libero, non verò pro spontaneo, ut infra patet.

Ad aliud testimonium, relictis variis solutionibus, responderet cum Banne, Alvare, & Salmanticensibus, actum charitatis Christi Domini posse considerari dupliceiter; primò, prout respicit Deum ut bonum secundum se, & hoc modo fertur in illum omnino necessariò, unde prout sic non fuit meritorius: secundò, quatenus respicit Deum secundum quod in actu exercito est ratio diligendi creaturas; & prout sic fertur ad eum libere, saltem quoad exercitium; & hac ratione fuit meritorius. Quemadmodum enim ipse amor divinus & increatus simul est necessarius & liber respectu diversorum: necessarius quidem, quatenus terminatur ad divinam bonitatem sumptam secundum se; liber verò, prout terminatur ad creaturas, vel (quod idem est) ad ipsam divinam bonitatem, ut est in actu exercito ratio illas diligendi: ita etiam actus charitatis Christi Domini, & amor beatificus aliorum beatorum, quia sunt participationes formales amoris divini & increati, habent quod secundum illam diversam terminationem objectivam, sunt simul necessarij & liberi; sicut cum hoc discrimine in beatis, & in Christo, quod in illis non sunt secundum illam rationem meritorij, defectu status via; cùm tamen in Christo, qui simul erat viator & comprehensor, actus charitatis ut terminatus ad efficiam divinam, quatenus erat ratio diligendi creaturas, praesertim rationales, pro quibus mori debebat, meritorius esset.

Dices: Ideò essentia divina secundum se considerata, amat abh[ic]que ulla protus indifferentia, quia prout sic est bonum infinitum clare visum: Sed etiam prout est ratio diligendi creaturas, est bonum infinitum clare visum, cùm sit eadem prorsus indivisibilis bonitas divinæ essentiae: Ergo pariter sub hac secunda consideratione rapit voluntatem necessariò, & absque ulla indiffer-

entia. Respondeo, bonitatem divinam, ut est ratio diligendi creaturas, esse quidem in se seu subjectivè infinitam; tamen formalissimè applicata creaturis, per modum rationis illas diligendi, finitam esse, quia finito modo applicatur, si-